

8 - KUZALIWA ILI KUISHI MILELE



Siri ya Kutokufa

1



2

Nchi ilitikisika. Mtetemo wenye nguvu ulituma mawimbi yake katika jiji zima. Majengo ya ofisi yalibomoka na nyumba zilianguka. Vituo vya Afya, mashule na makanisa yote yaliharibiwa.

Tetemeko la ardhi mwezi wa Februari 2001 ndani ya El Salvador liliua karibu watu 3,000 papo hapo. Maelfu waliachwa bila makazi.

Waokoaji walitenda kazi bila kuchoka mchana na usiku wakitafuta watu waliokumbwa. Waliwapata wachache tu waliosalia hai.

Baada ya kuchimba kwa siku nne mfululizo, walikuwa wakijiandaa kukata tamaa katika msako wao wakati mmoja wao alipotambua nusu ya mkono uliotokeza kati ya kifusi. Ilishtua zaidi hasa wakati mkono uliposogea polepole.

Waokoaji wakachimba nguvu zaidi.

Iliwachukua karibia masaa manne kumtoa mwanamume huyu wa makamu hivi toka chini ya vifusi. Alikuwa hai. Alikuwa amedumu kwa siku nne bila chakula wala maji. Baadaye hospitalini, aliulizwa kwa jinsi gani aliweza kuishi katika hali ngumu ya ajabu kiasi hicho.

Jibu lake, Nilinuia kuishi. Nilikokota pumzi. Sikutaka kufa. Niliamini msaada ulikuwa njiani.



3

Tulizaliwa na shauku hii ya kuishi. Wewe na mimi tulikuwa nayo wakati tulipoingia hapa duniani. Kila mmoja ambaye amepata kuishi amepata kuwa nayo. Yawezekana ni tamaa kubwa kuliko zote tulizo nazo. Sisi wanadamu tumeunganishwa pamoja na tamaa ya uhai.

8 - KUZALIWA ILI KUISHI MILELE



4

Na wakati maisha ya mwanadamu yanapokuwa hatarini, watu hujaribu mambo ya ajabu, ya kishujaa ili kuokoa wengine.

Yaweza kuwa mtoto ambaye ametumbukia kisimani. Au watu waliomo ndani ya meli iliyokwama baharini kwa matatizo.



5

Ama mkweaji wa mlima aliyekwama katika ukingo wa mwamba kando kando ya mlima.

Ama watu walionaswa katika vifusi vitokanavyo na tetemeko. Lakini maisha ya watu yakiwa hatarini watu hukimbia kuokoana.



6

Bado ukweli ambao hakuna mmoja wetu appendaye kuufikiria - lakini ni ukweli tu hata hivyo ni kwamba - maisha ya kila mmoja wetu yapo hatarini.

Siyo hatarini tu, pia.

Kila mmoja wetu amehukumiwa kifo.



7

(Fungu: Warumi 6:23)

Kwa maana mshahara wa dhambi ni kifo; lakini zawadi anayotoa Mungu ni uzima wa milele katika kuungana na Kristo Yesu, Bwana wetu.




8

Dhambi ni sumu - inaua.

Inatisha. Kwa nini? Kwa sababu inatutenganisha sisi na chanzo cha uzima wote - Mungu Mwenyewe, aliyetuumba.

Na kila mmoja wetu ametenda dhambi.



9

(Fungu: Warumi 3:23)

Watu wote wametenda dhambi na wametindikiwa utukufu wa Mungu.



10

(Fungu: Warumi 3:10 - 12)

....Hakuna mwenye haki hata mmoja.

8 - KUZALIWA ILI KUISHI MILELE



11

Hakuna afahamuye; Hakuna amtafutaye Mungu.




12

Wote wamepotoka.....Hakuna mtenda mema, la hata mmoja.
Warumi 3:10 -12.




13

Wazazi wetu wa awali, Adamu na Hawa, ambao kutokea kwao jamii yote ya kibinadamu imekuwepo, walichagua kujitoa wenyewe toka kwa Mungu kwa kutomtii na kwenda njia yao wenyewe.



14

(Fungu: Warumi 5:12)
Kwa hiyo, kama kwa mtu mmoja dhambi iliingia ulimwenguni, na kwa dhambi hiyo mauti;



15

na hivyo mauti ikawafikia watu wote kwa sababu wote wamefanya dhambi. Warumi 5:12



16

Matokeo ya asili ya dhambi ni mauti.
Asilimia ya watu wanaokufa kutokana na dhambi ni asilimia 100.
Adamu alikuwa afe kwa sababu ya dhambi.
Hivyo pia wote waliowazao wake - kila mmoja wetu akiwemo.



17

Hivyo sisi sote tumo ndani ya shimo.
Tumenaswa na hatuna msaada.
Tumehukumiwa kufa isipokuwa kama mtu atatuokoa.
Habari mbaya ni kwamba tumo hukumuni isipokuwa kama atakuwepo atakayetuokoa.
Habari njema ni kuwa Yupo ambaye ametuokoa!


8 - KUZALIWA ILI KUISHI MILELE



18

(Fungu: Waefeso 2:8,9)

Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu;



19

wala si kwa matendo, mtu awaye yote asije akajisifu. Waefeso 2:8,9.

Ndiyo, sote tumetenda dhambi.

Hakuna wasiwasi juu ya hilo!

Tunatenda dhambi kwa kila tendo la ubinafsi, neno, au hata wazo.



20

Fikiria jinsi ambavyo tumetenda dhambi mara nyingi kiasi kisichohesabika!

Na tatizo letu si tu dhambi ambazo tumezitenda-ni ukweli kwamba- sisi tu wadhambi!



21

Mtu mwenye tatizo la kufisha ambaye kwamwe hatambui tatizo lake au kutafuta msaada wa kiafya atakufa.

Na hiyo ndiyo hatima ya wadhambi wanaoshindwa kutambua hali yao ya kiroho na kutafuta msaada.



22

(Fungu: Isaya 59:2)

Maovu yenu [dhambi] yamewafarakanisha ninyi na Mungu wenu. Isaya 59:2.

Mungu ni chanzo cha uzima wote, na Adamu alipotenda dhambi alianza kufa.

Sisi sote tumo katika hukumu ya kifo.

Lakini Mungu wa Upendo hakutuambia tu matokeo ya dhambi bila kutupatia tumaini la wokovu!

Hii ndio habari njema!



23

(Fungu: Warumi 6:23)

Kwa maana mshahara wa dhambi ni mauti bali karama ya Mungu ni uzima wa milele katika Kristo Yesu, Bwana wetu.

8 - KUZALIWA ILI KUISHI MILELE



24

Wokovu ni karama.
Hatuistahili.

Wala hatuwezi kuupata huo wokovu kwa matendo yetu mema, na pia hatuwezi kuununua kwa gharama yoyote.



25

Watu walio wengi wanaamini ya kwamba wanadamu wanapokea msamaha kwa kutenda matendo mema zaidi.

Watu wanaketi katika vitanda vya misumari, wakiamini ya kwamba kwa kutesa miili yao wanaweza kuipata neema ya Mungu.



26

Baadhi ya watu hujipiga na kujijeruhi miili yao kwa mijeledi na minyororo, wengine hujitesa kwa ndoano kali, na



27

wengine hutembea miguu mitupu katika makaa ya mawe ya moto wakitafuta upendeleo wa Uungu kwa vitendo visivyo vya kawaida vya kuudhalilisha mwili.



28

wengine huamini wanapata sifa zinazostahili maisha yajayo kwa kujenga mahekalu au kwa kuwalisha watu watakatifu,



29

na kwa wengine pia, hakuna furaha zaidi au njia iliyo bora zaidi ya kupata upendeleo wa Mungu zaidi ya kwenda kuhiji Mecca au kufa kwa kuutetea uislamu.



30

Wakristo wengi bila kujua wanatenda jambo lilo hilo. Wanahudhuria kanisani, wanatoa sadaka, na kufuata ile Sheria ya Dhahabu ya Biblia, wakidhani ya kwamba watapata upendeleo toka kwa Mungu na hivyo kuustahili uzima wa milele.

Lakini je, hilo lawezekana?

8 - KUZALIWA ILI KUISHI MILELE




31

Je, mtu , kwa njia ya adhabu ya kimwili ya namna fulani, mateso ya kiakili au tendo la wema, aweza kumhonga Mungu ili ampatie msamaha na uzima wa milele?



32

Je, tunaupata wokovu kama matokeo ya kuufanyia kazi au kama matokeo ya mtu ashindapo tuzo fulani au medali ya dhahabu ?




33

(Fungu: Waefeso 2:8,9)

Biblia Yasema,

Kwa Maana, mmeokolewa kwa neema kwa njia ya imani ambayo haitokani na nafsi zenu, bali ni kipawa cha Mungu.



34

wala si kwa matendo, mtu awaye yote asije akajisifu. Waefeso 2:8,9.



35

Hatuwezi kujiokoa sisi wenyewe kwa matendo yetu wenyewe - sharti tutegemee neema ya Mungu na upendo wake na wema wake, anaotupatia bure. Kama tungeweza kuufanyia kazi wokovu, basi usingekuwa karama (zawadi).



36

Fikiri muajiri wako angekukabidhi bahasha huku akisema ana zawadi kwa ajili yako.



37

Kama ukigundua ni hundi ya mshahara wako wa majuma mawili yaliyopita ya kazi (au nchi zingine - hundi ya mshahara wako wa mwezi), ndiyo iliyomo ndani, je, hiyo ingelikuwa zawadi?

SIVYO KAMA UMEFANYIA KAZI!

8 - KUZALIWA ILI KUISHI MILELE



38

Lakini kwa nini Mungu mkuu atawalaye ulimwengu



39

anajihusisha hivyo na watu katika sayari iliyoko nje huko katika anga?

Kwa nini hakumuacha tu huyu mtu mbinafsi, muasi na kuacha ateseke na matokeo ya dhambi zake?



40

(Fungu: 1 Yohana 4:8)

Jibu linapatikana katika waraka wa kwanza wa Yohana:

Mungu ni upendo.



41

Baadhi yenu ni wazazi.



42

Baadhi yenu mnajua maana ya kuwa na mtoto mgonjwa halafu aanze kulia mchana na usiku. Unajaribu kila njia kufanya mambo yawe bora, lakini hakuna kinachoonekana kusaikia.

Unatembea katika sakafu/zulia, unamuimbia mtoto, na kujaribu kila aina ya ushauri unaoupata toka kwa marafiki, lakini hakuna kinachoonekana kufanya kazi. Lakini hebu nikuulize swali:

Hata kama umechoka kiasi gani, hata kama mtoto yu mgonjwa kiasi gani, je umepata hata mara moja kufikiria kumtoa mtoto kwa mtu mwingine au kumuacha ateseke peke yake?



43

La ? Kwanini? Kwa sababu unampenda huyu mtoto mdogo asiyejiweza zaidi kwa sababu ya maumivu na taabu ambayo ameipitia.

Hivyo ni kama jinsi Mungu alivyo!

8 - KUZALIWA ILI KUISHI MILELE



44

Watoto wake kwenye sayari dunia walipatwa na ugonjwa wa dhambi,



45

na maumivu na taabu wanayoipitia kwa sababu ya huo ugonjwa vinamfanya Mungu awapende zaidi.



46

Kamwe Mungu hajafikiria kutuacha na kwenda zake! Kamwe Mungu hajafikiria kutuacha tuteseke na tufe tu kwa sababu ya matokeo ya uasi wetu.



47

(Fungu: 2 Petro 3:9)

Yeye (Bwana) ana saburi kwa ajili yenu, maana hapendi hata mmoja wenu apotee, bali huwavuta wote wapate kutubu. 2 Petro 3:9.



48

Bila kujali jinsi gani ulivyo mwema au mbaya, Mungu anakupenda na anataka kukuokoa. Hapendi ufe.



49

Hata hivyo, sisi sote tumetenda dhambi. Sisi sote tumeasi dhidi ya Mungu na kuvunja sheria yake.



50

serikali za kidunia haziwezi kuvumilia uvunjwaji wa sheria na bado zikadumu kwa muda mrefu.

8 - KUZALIWA ILI KUISHI MILELE




51

Wavunja sheria huadhibiwa.
Lakini kuivunja sheria ya Mungu ni jambo lililo zito zaidi, kwa sababu dhambi hututenganisha na Mungu - Yeye ambaye peke yake aweza kutusaidia na kutuokoa!



52

Hata ingawa Mungu ni Mungu wa upendo wa milele, Yeye pia ni Mungu wa haki.
Katika Mlima wa Sinai alijieleza Mwenyewe:



53

KUTOKA 34:6

BWANA, Mungu mwingi wa huruma, mwenye fadhili, si mwepesi wa hasira, mwingi wa rehema na kweli,

(Fungu: Kutoka 34:6,7)

...BWANA, Mungu mwingi wa huruma, mwenye fadhili, si mwepesi wa hasira, mwingi wa rehema na kweli;



54

KUTOKA 34:7

mwenye kuwaonea huruma watu elfu elfu, mwenye kusamehe uovu na makosa na dhambi; wala si mwenye kumhesabia mtu mwovu kuwa hana hatia kamwe.

mwenye kuwaonea huruma watu elfu elfu, mwenye kusamehe uovu na makosa na dhambi; wala si mwenye kumhesabia mtu mwovu kuwa hana hatia kamwe.

Kutoka 34:6,7.



55

Je, hakuna utatuzi? Je, hakuna njia ya kutokea? Ndiyo ipo njia ya kutokea!
Mungu mwenye upendo alipata njia ya kutuokoa na bado akawa mwenye haki.



56

Alipata aliye mkamilifu kuwa badala yetu kufa katika mahali petu, akilipa adhabu kwa ajili ya dhambi zetu ili tupate kuishi.
Yohana, mwanafunzi aliyependwa, anaeleza sababu:



57

YOHANA 3:16

Maana Mungu alipenda ulimwengu hivi hata akamtoa Mwana wake wa pekee,

Kwa Maana jinsi hii Mungu aliupenda ulimwengu hata akamtoa Mwana wake wa pekee,

8 - KUZALIWA ILI KUISHI MILELE



58

ili kila amwaminiye asipotee, bali awe na uzima wa milele.

Yohana 3:16.



59

Yesu alikuja kuishi hapa duniani kama mwanadamu, akikabili matatizo na majaribu ambayo kila mwanadamu amepata kuyapitia.

Aliishi maisha ya utii ulio kamili.


Halafu, kama mwakilishi wa wanadamu asiye na dhambi, Kristo kwa kujitolea alijitwika hatia ya kila mtu ambaye angepata kuishi, na kufa kwa niaba yao.



60

(Fungu: Warumi 5:19)

Paulo aliandika, Kwa sababu kama kwa kuasi kwake mtu mmoja, watu wengi walifanywa wenye dhambi,



61

kadhalika kwa kutii kwa mtu mmoja wengi wameingizwa katika hali ya wenye haki.

Warumi 5:19.



62

Mauti ya Yesu hayakuwapo ili kumridhisha Mungu mwenye hasira.

Yesu alijitolea kufa ili kutuokoa toka dhambini mwetu, na Mungu alitupenda sana kiasi cha kuwa tayari kumtoa Mwana wake wa pekee kwa ajili yetu. Yesu alikuwa Mwana Kondoo wa Mungu, Mwana Kondoo wa kafara!

8 - KUZALIWA ILI KUISHI MILELE



63

Kama watu wa Mungu waliochaguliwa, Wana wa Israeli, walitanga jangwani karibu na Mlima Sinai baada ya kuokolewa toka Misri na Musa, huku wakishuhudia kila siku, kwa ishara na sherehe, kielelezo cha mpango wa Mungu wa kuokoa mwanadamu aliyeanguka. Hema la jangwani, lililojengwa kwa maelekezo halisi ya Mungu pamoja na huduma zilizoanzishwa na Mungu, vilidumu kumkumbusha mwanadamu Kalvari iliyokuwa ikija usoni - kileleni pa mlima ambapo Yesu angekufa, mahali ambapo Mwana-Kondoo wa kweli angetolewa kafara kwa ajili ya mwanadamu, akiwapatia wote tumaini na uhakika wa msamaha na wokovu.



64

Mdhambi alikuja, akileta mnyama wa kafara. Aliweka mkono wake juu ya kichwa cha mnyama na kukiri dhambi yake. Kisha alichukua kisu akamuua, ikiwakilisha kwamba dhambi zake zilisababisha mauti ya Mwana-Kondoo wa kafara, aliyemwakilisha Yesu.



65


Haipendezi, ndiyo. Lakini msalaba wa Kalvari ulioleta ahadi ya uzima wa milele kwa moyo wa mwanadamu ulichukiza zaidi. Hata hivyo, kwa tendo hili Mungu alieleleza ya kwamba dhambi huleta mauti, ama kwa mdhambi ama kwa kafara isiyo na hatia.



66

Watu wa Mungu nyakati za Biblia walitoa kafara kuonyesha imani yao kwa mauti iliyokuwa ikija ya Mwana wa Mungu, Yeye ambaye angekufa badala ya mwanadamu kama mwakilishi wake.

8 - KUZALIWA ILI KUISHI MILELE



67

(Fungu: Yohana 1:29)

Yesu alikuwa kafara ya kweli. Yesu alipokuja kubatizwa, Yohana alisema,Tazama Mwana-kondoo wa Mungu aondoaye dhambi ya ulimwengu! Yohana 1:29. Ni dhihaka kubwa kiasi gani kwamba baadhi ya watu aliokuja kuwaokoa walipanga kumuua!


Yesu alipigwa, alikebehiwa, na kuhukumwa kusulubishwa kwa njia iliyokuwa mbaya kuliko zote za kunyonga.



68

(Fungu: 1Petro2:22)

Hata hivyo kama Biblia isemavyo, Yeye hakutenda dhambi, wala hila haikuonekana kinywani mwake alikufa kwenye ule msalaba! 1 Petro 2:22.



69

Kristo alisulubishwa katika kipindi cha Pasaka. Ilikuwa ni desturi ya watawala wa Kirumi wakati huu kumuweka mmoja wa wahalifu huru kama kitendo cha kuonyesha itibari. Umati ukamchagua Baraba na kumuacha Yesu afe badala yake.



70

Katika mauti, Yesu aliwekwa sawa na wadhambi. Alisulubishwa kati ya wevi wawili! Na Mungu alipoweka juu yake dhambi za dunia nzima,



71

(Fungu: Mathayo 27:46)

Alilia, ...Mungu wangu, Mungu wangu, mbona umeniacha?

Mathayo 27:46.

Alihisi utengano wa kutisha ambao dhambi huleta. Yesu hakuweza kuubeba uchungu wa kutengana na Baba.

Ulimvunja moyo wake.

8 - KUZALIWA ILI KUISHI MILELE



72

(Fungu: Marko 15:31)

Nao makuhani wakuu pamoja na walimu wa Sheria walimdhahki wakisema, Aliwaokoa wengine, lakini kujiokoa mwenyewe hawezi!

Marko 15:31.



73

Na hiyo ilikuwa kweli!

Hangeweza kujiokoa Mwenyewe na bado aokoe wengine.

Alikuwa Mungu akilipa gharama ya jamii iliyopotea, sheria iliyovunjwa, mshahara wa dhambi.

Hivyo ndivyo Mungu alivyokuwa, akiwa na upendo ambao usingeweza kuridhishwa hadi mtu aliporejeshwa kwenye familia Yake, alimtoa Mwana Wake wa pekee ili afe badala ya mwanadamu, kama Mwakilishi wake.



74

Yesu alitendewa inavyotustahili ili sisi tutendewe anavyostahili.

Alihukumiwa kwa sababu ya dhambi zetu na kufa mauti yetu ili tuupate uzima wa milele.

Kwa njia hii Mungu angetupa uzima wa milele na bado angekuwa mwenye haki.

Siyo kwa sababu ya chochote chema tulichokitenda, lakini kwa sababu Mungu aweza kutupatia heshima kwa sababu ya kile alichokitenda Kristo - kwa sababu ya maisha yasiyo na dosari aliyoishi.



75

(Fungu: Waefeso 2:8)

Paulo, mtume kwa wamataifa, alisema,

Kwa maana mmeokolewa kwa njia ya imani.

Waefeso 2:8.


Imani hii ni kiini cha wokovu.



76

Wakati askari magereza wa Filipi alipomuuliza Paulo afanye nini ili apate kuokolewa, Paulo alijibu,

8 - KUZALIWA ILI KUISHI MILELE



77

(Fungu: Matendo 16:31)

Mwamini Bwana Yesu nawe utaokolewa pamoja na jamaa yako yote.

Matendo 16:31.



78

Hata hivyo, kukubali tu katika mawazo yako ya kwamba Kristo aliishi duniani haitoshi. Hiyo si imani iokoayo.

Kuna zaidi kuliko hilo.



79

(Fungu: Yakobo 2:19)

Biblia yasema kwamba Mashetani nao waamini na kutetemeka. Yakobo 2:19.



80

Kumwamini Yesu ni zaidi ya kukubali ya kwamba alikufa zaidi ya miaka 1900 iliyopita.

Biblia yasema,



81

(Fungu: Mithali3: 5,6)

Mtumaini BWANA kwa moyo wako wote, wala usizitegemee akili zako mwenyewe;



82

Katika njia zako zote mkiri yeye, Naye atayanyosha mapito yako.

Mithali 3:5,6.

Je, unamwamini? Je, kweli unamwamini? Kiasi cha kutosha kumruhusu atawale maisha yako?



83

Imani inayookoa ni tegemeo kwa kafara ya Kristo kama malipo kamili na yasiyo na upungufu kwa ajili ya gharama kwa kila dhambi ambayo tumepata kuitenda.

Ina maana ya kuamini kwamba si kile tuwezacho kutenda kituokoacho, bali ni kile Kristo alichotenda kwa ajili yetu Kalvari.

8 - KUZALIWA ILI KUISHI MILELE



84

Hakuna mwanadamu awezaye kujivuna ya kwamba alijiokoa mwenyewe.

Utukufu wote ni wa Mungu!

Ni neema kwa upande wa Mungu na imani kwa upande wetu:

Kumtegemea Mungu kikamilifu - kwa kupenda sisi wenyewe kumruhusu Yeye atawale maisha yetu.



85

Kupokea wokovu ni rahisi kiasi hicho, bado wengi hufanya kuonekane kuwa ngumu sana na kwenye kutatanisha.

Swali tupaswalo kulijibu ni lile lile lililomjia askari magereza wa Filipi wakati alipomlilia Paulo na Sila usiku ule wa kutisha wakati tetemeko lilipofungua malango yote ya gereza:



86

(Fungu: Matendo 16:30)

Nifanye nini nipate kuokoka?



87

Kuna kweli nne tu za wokovu upaswazo kuzijua ili upate kuokolewa.

Nne tu.



88

(Fungu: Waefeso 2:8,9)

KWELI NA. 1: Wokovu ni zawadi ya bure.

Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu; wala si kwa matendo, mtu awaye yote asije akajisifu.

Waefeso 2:8,9.

Sasa swali ni hili, Kwa nini wokovu unapaswa kuwa zawadi ya bure?

Sababu kwanini inapaswa kuwa zawadi ya bure inatuleta kwenye kweli nambari mbili.

8 - KUZALIWA ILI KUISHI MILELE



89

(Fungu: Warumi 3:23)

KWELI NA. 2: Sisi sote tumetenda dhambi.

Warumi 3:23 inasema, Kwa sababu wote wametenda dhambi na kupungukiwa na utukufu wa Mungu.



90


Hii ina maana kwamba siistahili hiyo karama.

Sistahili wokovu.

Unaona, nimetenda dhambi.

Nimepungukiwa na utukufu wa Mungu.

Kama wokovu unategemea wema wangu, basi kamwe siwezi kuupata, kwa sababu nimetenda dhambi - kamwe siwezi kuwa mwema vya kutosha. Hii ndiyo sababu halisi kwa nini wokovu unapaswa uwe karama ya bure, itolewayo bure kwangu, kwa sababu siwezi kuufanyia kazi na siwezi kuustahili. Sisi sote tumetenda dhambi na kupungukiwa na utukufu wa Mungu.



91

(Fungu: Warumi 6:23)

KWELI NA. 3 Tatizo: Dhambi humaanisha mauti.

Warumi 6:23 Kwa maana mshahara wa dhambi ni mauti.

Hilo ndilo tatizo kubwa tunalolikabili sote.


Mimi ni mdhambi ; kwa hiyo ninastahili mauti.

Sistahili karama ya wokovu.

Sistahili karama ya bure.

Ndiyo maana inapaswa iwe karama ya bure, unaona, kwa sababu sisi sote tumetenda dhambi na kupungukiwa na utukufu wa Mungu.

Tatizo ni kwamba mimi kama mdhambi ninastahili kufa. Lakini Mungu anaufumbuzi kwa tatizo hili.



92

(Fungu: Warumi 5:8)

KWELI NA.4: Utatuzi: Yesu alikufa kwa ajili yetu.

Warumi 5:8 anasema,

Bali Mungu aonyesha pendo lake yeye mwenyewe kwetu sisi maana wakati tulipokuwa bado tungali wenye dhambi, Kristo alikufa kwa ajili yetu.

Je, hilo siyo zuri ? Yesu alikufa kwa ajili yangu, mdhambi. Na rafiki, alikufa kwa ajili yako pia!

8 - KUZALIWA ILI KUISHI MILELE



93

Kweli nne rahisi. Hebu tufanye mapitio:



94

1. Wokovu ni karama ya bure.



95

2. Sisi sote tumetenda dhambi.



96

3. Tatizo: Dhambi humaanisha mauti kwetu.



97

4. Utatuzi: Yesu alikufa kwa ajili yetu, ikimaanisha uzima kwa ajili yetu kama tukimkubali Yeye kama Mwokozi wetu.



98

Tulipokuwa tungali wenye dhambi, Yesu alikufa kwa ajili yetu. Je, hamupendi rafiki zangu?
Je, hamupendi kwa kufa kwa ajili ya dhambi zako na dhambi zangu?
Je, hamupendi kwa kutupatia sisi ile karama ya bure ya wokovu?



99

Sasa waweza uliza, Nawezaje kuikubali ile karama ya bure?

8 - KUZALIWA ILI KUISHI MILELE



100

(Fungu: Ufunuo 3:20)

Biblia inatupatia jibu la swali hilo kwenye Ufunuo 3:20.

Tazama! nasimama mlangoni na kubisha hodi.

Kama huyu mwenye uzima wa milele akibisha hodi kwenye mlango wa nyumba yako, Je, unamuacha nje - au utamkaribisha ndani?



101

Ni dhahiri, utafungua mlango na kumkaribisha ndani!

Unaona, kwa kumpokea Yesu, tunapokea karama ya uzima wa milele anaouleta.

Je, hilo si jema?

Yesu anataka kuja katika maisha yetu.

Tunamkaribisha ndani.



102

Hivi ndivyo tuipokeavyo hiyo karama ya bure.

Kwa urahisi tu tunanyoosha mikono na kusema, Ahsante, Yesu! Ingia maishani mwangu. Ingia moyoni mwangu.

Tawala maisha yangu - tawala moyo wangu.

Na wakati Yesu aingiapo ndani, tunamkubali kama Rafiki, kama Mwokozi wetu, kama Bwana wetu na Mkuu wetu.



103

Mambo mawili muhimu hutokea tuanapomuomba Yesu aingie moyoni mwetu - tunapomkubali katika maisha yetu.



104

(Fungu: 1 Yohana 1:9)

Kwanza, tunaziungama dhambi zetu na kupokea msamaha wake.

tukiziungama dhambi zetu, yeye ni mwaminifu na wa haki , hata atuondolee dhambi zetu



105

na kutusafisha na udhalimu wote. 1 Yohana 1:9. Rafiki, hii ni ahadi nzuri.

8 - KUZALIWA ILI KUISHI MILELE



106

Bila kujali tulichokitenda au tulikokuwa , hata kama tumekuwa na maisha ya namna gani, hata kama tumekuwa wadhambi wabaya zaidi ya wote twaweza kuja kwa Yesu na kukubali karama ya bure ya wokovu. Twaweza kuungama dhambi zetu na kupokea msamaha wote ulio kamili.



107

Biblia inatuambia ya kwamba Yesu alizitupilia dhambi zetu ndani ya vilindi vya bahari, zisikumbukwe tena.



108

Wapenzi, Yesu anaposamehe, anasahau. Je, ipo dhambi yoyote ambayo umewahi kuungama kwa Mungu, na bado unajihisi hukumu na kulemewa na hatia. Labda unahisi ya kwamba ipo dhambi ambayo ni kuu sana kwa Mungu kuisamehe. Twapaswa kuamini kile Mungu anachokisema. Katika 1 Yohana 5:10 maneno yako wazi kabisa kwetu ya kwamba kama tusipomwamini Mungu, tunamfanya kuwa muongo.




109

(Fungu: 1 Yohana 5:10)
Anayemwamini mwana wa Mungu anao huo ushuhuda ndani yake; asiyemwamini Mungu, anamfanya kuwa mwongo, kwa kuwa hakuamini huo ushuhuda ambao Mungu ameshuhudia Mwanawe.



110

asiyemwamini Mungu, anamfanya kuwa mwongo,



111

kwa kuwa hakuamini huo ushuhuda ambao Mungu amemshuhudia Mwanawe. 1 Yohana 5:10. Yesu anapoahidi kwamba atatusamehe dhambi zetu na kuondolea mbali hatia yetu, atatenda hakika alichokisema.

8 - KUZALIWA ILI KUISHI MILELE



112

Yesu anaposamehe, anasahau, na tunapaswa kusahau, pia!



113

(Fungu: Matendo 3:19)

Katika maneno ya Petro yaliyo katika Matendo 3:19: Tubuni basi mrejee ili dhambi zenu zifutwe



114

Unaona, tunakuja kwa Yesu, tunakubali karama ya bure ya wokovu, tunamkaribisha katika maisha yetu, na jambo la kwanza litokealo ni kwamba anatusamehe na kututakasa anatuosha, anazitupilia dhambi zetu katika vilindi vya bahari.

Je, hilo si jambo zuri, rafiki zangu?

Je, humpendi Mwokozi wako na wangu?

Lakini kuna jambo jingine linalotokea tunapomkaribisha Yesu mioyoni mwetu.



115

Anatupatia uwezo wa kushinda dhambi zetu na kuwa zaidi na zaidi kama alivyo - kutembea katika nyayo zake.

Mwivi haibi tena.

Mwongo haongopi tena.

Mlevi halewi tena.



116

(Fungu: Yohana 1:12)

Tambua katika Yohana 1:12:

Bali wote waliompokea aliwapa uwezo wa kuwa watoto wa Mungu,



117

Ndio wale waliaminio jina Lake.

Anatupatia uwezo wa kuwa watoto wake, wana wake na binti zake. Hatuendelei kutawaliwa na Shetani.

Hatudumu kuwa watoto wa giza.

8 - KUZALIWA ILI KUISHI MILELE



118


Atatupatia uwezo wa kutembea katika nyayo zake. Tunapomuamini, tunapoikubali ile karama ya wokovu, atatupatia uwezo wa kuwa washindi.



119

Kama tukijikwaa na kuanguka baada ya kupokea ile karama, atatusamehe tena na tena. Kisha atatupatia uwezo wa kuwa washindi-kuwa zaidi na zaidi kama Yesu.

Ni njia ya ukuaji kujifunza kuwa na imani na ujasiri na tegemeo katika Yesu Mwokozi wetu. Hatutakuwa wakamilifu bali tutasamehewa. Shetani si tena bwana wetu. Yesu ni Bwana wetu.



120

Unaona, kuamini kuna maana ya kuwa na imani na tegemeo, na kukubali ile karama ya wokovu. Anatusamehe dhambi zetu na Yeye pia anatupatia uwezo wa kutembea katika nyayo zake.



121

Tunapoitikia abishapo mlangoni mwa mioyo yetu na kumkaribisha Yesu ndani, anasafisha mioyo yetu michafu na kutusamehe.

Anatupatia pia uwezo wa kubadilika na kuishinda dhambi na kuwa zaidi na zaidi kama Yeye.



122

Na kama Yesu akiishi ndani yetu, twaweza kujua kwa uhakika ya kwamba tunao uzima wa milele. Je, ulilijua hilo?

Hatuhitaji kuwa na wasi wasi kama tutaokolewa na kuishi milele na Yesu.



123

(Fungu: 1 Yohana 5:12,13)

Yeye, aliye naye Mwana anao huo uzima; asiye naye Mwana wa Mungu, hana huo uzima.

8 - KUZALIWA ILI KUISHI MILELE



124

Nawaandikieni mpate kujua kwamba mnao uzima wa milele ninyi mnaoamini jina Mwana wa Mungu,



125

ili mpate kujua kwamba mnao uzima wa milele.
1Yohana 5:12,13.



126

Yesu anataka tujue -hapa tena sasa- kwamba tunao uzima wa milele.

Twaweza kujua sasa tena hapa ya kwamba tunapomualika Yesu katika mioyo yetu, tunapokea uhakika wa wokovu wetu.

Yesu anatoa mwaliko kwa kila mmoja kila mahali, ili kwamba



127

(Fungu: Yohana 3:16)

kila amwaminiye asipotee, bali awe na uzima wa milele.

Yohana 3:16.

Pengine unajihisi kwamba wewe u mwenye dhambi asiye na matumaini, lakini hilo si kweli!

Mungu aweza kubadili hali isiyowezekana kabisa na kuifanya ushindi.

Hakuna maisha yaliyo mabaya sana, au dhambi iliyo kubwa sana, ambayo Kristo hawezi kuisamehe!



128

Desemba 31, 1995, John Clancy, askari mkongwe wa zima moto Jijini New York, aliongoza kikosi chake na kuingia katika jengo tupu la kupangisha liliokuwa likiteketea kwa moto katika eneo la Manhattan lenye ulevi mwingi. Moto ulipozidi nguvu za wazimaji, askari wazima moto walikuwa na wasiwasi ya kwamba yawezekana yupo aliyesalia ndani ya jengo, ingawa waliokuwa wakilitumia sasa walikuwa tu wahuni, watumiaji wa madawa ya kulevya, walevi, na makahaba.

Hata hivyo, Clancy na wenzake waliamua kuingia ndani ya miali hii kama ya tanuru katika mpango wa kusaka na kuokoa. Jengo lilikuwa limejazwa na moshi, kiasi cha kufanya uwezekano wa kuona kuwa karibu asilimia sifuri. Askari wazima moto walikuwa wakiweka hatarini maisha yao ili kutafuta wahuni ambao walikuwa wakilitumia jengo hili kama makazi yao ya muda. Ghafula, dari ya ghorofa ya pili ikaanguka, ikamnasa John Clancy. Wenzake wakahangaika sana ili kumtoa toka kwenye tanuru la moto, lakini walipofanikiwa hatimaye kumtoa nje, walikuwa wamechelewa sana.

Mwili wake ulikuwa umeunguzwa kiasi cha kuwa vigumu kutambulika. Siku ya mwisho ya mwaka 1995 ilikuwa siku ya mwisho ya maisha ya huyu mpiganaji jasiri katika moto. Aliacha nyuma mke aliyekuwa mjamzito wa miezi sita na mipango ya baadaye waliyokuwa wakiipanga pamoja. John Clancy aliamini ya kwamba maisha yote yalikuwa ya thamani; hivyo alikuwa tayari kuweka hatarini maisha yake mwenyewe ili kuokoa yeyote aliyekuwemo kwenye jengo. Aliacha usalama wa nyumba yake ili aingie kwenye hatari ya moto mkali. Aliingia kwenye miali ya moto kuokoa maisha ya wengine akapoteza yake.

Kujitoa kwake katika kuwajibika kulimgharimu maisha yake.

Hangeweza kusimama kivivu huku akijua wengine walikuwa wakifa.

Undani wa kisa hiki ulipochunguzwa, wachunguzi

8 - KUZALIWA ILI KUISHI MILELE

waligundua ya kwamba moto ulikuwa umeanzishwa na mtu ambaye huwasha mioto makusudi; kama vile nyumba,nk. Edwin Smith, mmoja wa watu wajulikanao kama wa chini na wa nje aliyetajwa kuwemo ndani ya jengo, ndiye aliyeuwasha moto huu. Ukweli mzito ni huu, John Clancy alikuwa akijaribu kuokoa mtu aliye choma lile jengo. Alitoa maisha kwa ajili ya mteketezaji. Kielelezo kizuri kiasi gani cha Yesu Kristo.



129

Yesu aliacha usalama wa nyumba yake ya mbinguni na kujitumbukiza katika joto kali la moto wa dunia hii.

Mwokozi wetu alining'inia msalabani, na mioto ya dhambi ilimchoma kabisa.

Kwa uchaguzi wetu sisi wenyewe tulitenda dhambi. Tuliweka dunia hii katika moto kwa hasira zetu, kwa kutokuwa waaminifu, kwa tamaa zetu, kwa uzinzi wetu, kwa udanganyifu wetu.

Kristo alikufa ili tupate kuishi.

Alipitia miali ya moto ya dhambi katika msalaba ili sisi tusiupitie ukali wa miali ya jehanamu Yesu atakapokuja kuchoma dhambi milele.

Leo Yesu anataka kukupa uhakika ya kwamba waweza kuishi milele.



130

Anasikiliza na kusubiri.

Kwa nini usiufungue mlango wa moyo wako leo na kumkaribisha Yeye ili aingie na awe Mwokozi na Bwana wa maisha yako?

Anasubiri! Anasikiliza!

Kuna jambo moja ambalo Yesu hawezi kulifanya, nalo ni kukulazimisha wewe ufungue mlango wa moyo wako kwa ajili yake.

Ametupatia kila mmoja wetu uwezo wa kuchagua. Sisi wenyewe tunapaswa kuufungua mlango!

Ataingia kwa furaha kama tukifungua mlango!

Rafiki, je, ungependa kulifanya hilo hivi sasa?

Je, ungependa kumualika Yesu moyoni mwako bila kusubiri zaidi?

8 - KUZALIWA ILI KUISHI MILELE



131

Kama ndivyo, basi hebu tusali pamoja.



132

Mungu Mpenzi, ninatambua ya kwamba mimi ni mdhambi na ninahitaji msaada.



133

Ninataka kumkubali Yesu kama Mwokozi wangu na Bwana.



134

Ninataka kujibu anapobisha na kumkaribisha ndani ya moyo wangu hivi sasa.



135

Tafadhali samehe kila dhambi niliyoitenda.
Tafadhali tawala maisha yangu kikamilifu.



136

Ninataka Yesu aje moyoni mwangu auoshe kabisa na kisha anisaidie nipate kuishi kwa ajili yake. Ahsante kwa kusikia na kujibu sala yangu, katika jina la Yesu, Amina.